



# MAINS–UiTM Perkasa Instrumen Wakaf Di Negeri Sembilan



**SEREMBAN** – Majlis Agama Islam Negeri Sembilan (MAINS) terus memperkukuh peranan sebagai peneraju pembangunan ummah melalui instrumen wakaf menerusi kerjasama strategik dengan Universiti Teknologi MARA Cawangan Negeri Sembilan (UiTMCNS).

Kerjasama tersebut dimeterai melalui Memorandum of Agreement (MoA) bagi meningkatkan kesedaran dan pemahaman warga kampus terhadap amalan wakaf sebagai mekanisme pembangunan mampan. UiTMCNS turut dilantik sebagai Mutawalli

melalui penubuhan Dana Wakaf Al-Khayr untuk mengurus kutipan wakaf tunai secara lebih terancang, termasuk melalui potongan gaji, bayaran sekali gus serta platform digital.

Pada majlis itu, MAINS menyerahkan dana manfaat wakaf tunai berjumlah RM40,940 serta aset keperluan bagi membantu kebajikan warga kampus dan pelajar. Program berkenaan turut mendapat sokongan Jabatan Wakaf, Zakat dan Haji (JAWHAR).

Setiasaha MAINS, Haji Zainal Said, menggalakkan warga UiTM memperkukuh budaya berwakaf secara konsisten. Sehingga

kini, seramai 80 pewakaf UiTM menyumbang kira-kira RM1,350 sebulan.

Naib Canselor UiTM, Prof. Datuk Dr. Shahrin Sahib@Sahibuddin, menyifatkan pelantikan UiTM sebagai Mutawalli sebagai langkah signifikan dalam memperkukuh ekosistem kebajikan pelajar. Beliau turut menghargai sumbangan RM300,000 MAINS melalui inisiatif MAINS-Care IPT UiTMCNS yang diterima pada Julai lalu.

Sinergi MAINS–UiTM diyakini mampu memacu pembangunan kebajikan, sahsiah dan kecemerlangan pelajar secara holistik.

## Upgrade

### HARTA DUNIA KE ASET AKHIRAT

Transformasikan rezeki dunia anda menjadi ganjaran abadi. Dengan wakaf MAINS, setiap ringgit menjadi nadi kemajuan ummah dan pahala berpanjangan.


#### KEMANA DUIT WAKAF ANDA?



Kesihatan



Pendidikan



Sosio  
Ekonomi



Pengembangan  
Harta

“SAHAM AKHIRAT ANDA,  
BERMULA DI SINI”

IMBAS KOD QR



BAYARAN WAKAF  
MENGUNAKAN FPX

Daripada Abu Hurairah R.A Nabi Muhammad S.A.W bersabda:

Apabila mati seseorang anak Adam, maka akan terhentilah amalannya kecuali tiga perkara: sedekah jariah atau ilmu yang dimanfaatkan atau anak yang soleh mendoakannya. (Riwayat Muslim)



Rembau

MAINS bersama JAKIM, JHEAINS dan JAKOA memperkukuh usaha kebajikan melalui penyerahan kunci rumah Baitul Rahmah kepada penerima di Kampung Orang Asli Ulu Chembong, Rembau. Majlis tersebut telah dirasmikan oleh ADUN Chembong, YB Dato' Zaifulbahri Idris dengan menyerahkan simbolik kunci rumah kepada penerima.



Jelebu

MAINS (Daerah Jelebu) menziarahi sebuah keluarga yang menjaga anak berusia 23 tahun yang terlantar sejak lahir akibat komplikasi pramatang. Dalam ziarah tersebut, MAINS turut menyalurkan bantuan tunai segera, sementara bantuan susulan akan disalurkan bagi meringankan beban keluarga yang memerlukan penjagaan rapi serta bekalan lampin dan susu formula.



Banting

MAINS menyantuni keluarga seorang murid tahun tiga di Lenggeng yang meninggal dunia selepas terjatuh ke dalam lubang kumbahan dengan menyampaikan sumbangan berjumlah RM500 bagi meringankan urusan mereka. Sumbangan disampaikan oleh Pengarah Jabatan Zakat MAINS, Encik Mahadi Ali.



Seremban

MAINS dengan kerjasama Kolej Universiti IJN (IJNUC) menganjurkan Program Latihan Pembantu Perawatan Pesakit bagi anak-anak asnaf, dibiayai sepenuhnya melalui dana zakat dan wakalah zakat berjumlah RM174,000.



Seremban

MAINS menerima kunjungan hormat daripada MAIDAM bagi membincangkan kerjasama dan perkongsian pengalaman dalam pembangunan usahawan asnaf, sekali gus mengukuhkan jaringan strategik memperkasa ekonomi asnaf melalui keusahawanan.



Rembau

MAINS Daerah Rembau menziarahi dan menyalurkan bantuan peralatan kesihatan berupa sebuah katil pesakit kepada warga emas terlantar di Kampung Seberang Batu Hampar serta kerusi roda khas kepada pesakit Cerebral Palsy di Kampung Sungai Radin, Lubok China bagi memudahkan urusan harian dan meningkatkan keselesaan penerima.



Nilai

Seramai 26 pelajar tajaan zakat MAINS berlepas ke Timur Tengah melanjutkan pengajian dalam bidang pengajian Islam di Universiti al-Azhar, Mesir dan Universiti WISE, Jordan. Inisiatif ini memperkukuh usaha MAINS melahirkan generasi berilmu dan berakhlak sebagai pewaris ummah.



Seremban

Seramai 165 orang asnaf telah menyertai Program Pengurusan Bijak Kewangan Asnaf bertemakan 'Bijak Urus Wang, Asnaf Lebih Mandiri' yang diadakan di Seremban. Program ini bertujuan memberi pendedahan kepada peserta mengenai asas pengurusan kewangan merangkumi penyediaan bajet, amalan simpanan, pengurusan hutang serta perbelanjaan berhemah.